

中國方志叢書·華北地方·第二九四號

據清·洪蕙纂·修  
清·嘉慶七年刊本  
影印

陝西

# 延安府志

(一)



Sk 20/14

成文出版社有限公司印行



\*10098717\*

中國方志叢書·華北地方·第一九四號

據

清·洪 蕙 纂  
清·嘉慶七年刊本 修

影印

陝西 省

# 延安府志



51020/114

成文出版社有限公司印行




中國方志叢書·華北地方·第二九四號

據 清·洪 蕙 纂 清·嘉 慶 七 年 刊 本 修 影 印

陝西 省

# 延安府志



SK20/14

成文出版社有限公司印行



中國方志叢書·華北地方·第二九四號

據清·洪蕙纂修本影印  
清·嘉慶七年刊本

陝西 省

# 延安府志



SK20/14  
成文出版社有限公司印行



\*10107846\*

中華民國五十九年 月壹一版

# 延安府志

全四册

發行人：**黃成助**

台北郵政信箱二二六〇五號  
出版者：**成文出版社有限公司**

台北郵政信箱二二六〇五號  
台北市羅斯福路三段279之二號  
電話：三七〇一三二號

印刷者：**東南印製廠有限公司**  
和平西路二段70巷83弄29號

內政部登記證內版台業字第一一四七號

嘉慶壬戌年重修

延安府志

本署藏板

重修延安府志叙

天下之政自郡縣始而達於朝廷國之有史亦自郡縣之志始而滙於史官蓋志之政通者也爲守令者不周知一郡一縣之山川險易戶口登耗土田荒辟學校舉廢與夫屯糧盈絀風俗美惡則不能因勢利導以施政而宜民爲大吏者不能知守令之所知亦無以因人地之宜以擇才而任吏二者以方志稽之則不下堂階而瞭於指掌故曰志與政通者也考之周官外史掌四方之志注謂若晉乘楚檮杌之屬是以列國之成書言之卽今郡縣志之所昉矣成書所藉具在周官六官之屬通於侯國司會掌書契

版圖之貳党正書民之德行道義誦訓詔觀事詔避忌以  
知地俗形方掌地域而正其封疆山師川師辨山林川澤  
之名物原師辨邱陵墳衍其於山川風俗物產人倫亦已  
鉅細不遺矣由是行人五書之獻職方圖籍之聚大史風  
詩之陳則其達之於上者也蓋制度由上而下采摭由下  
而上采摭備則制度愈精方志之與政通自三代以來未  
之有易謂志之昉於竇威者不探本之論也延安古金明  
郡據秦上游左黃河右長城自漢迄明爲被邊要地而土  
瘠民悍政之張弛視他郡爲難則資於志者尤亟已延志  
一修於明太守王公彥奇再修於楊李兩校官入

皇朝康熙庚申則牛太守天宿實修之由庚申至今又百餘年矣今太守洪君蒞延歲久地方寧謐爰事郡志卽牛志而增損修飾之芟繁脛正體例再期而功竣凡爲紀一表三考三略六傳畧六文徵三雜錄一義皆取裁於史而參以漁仲通志之法首紀

恩澤昭忠敬也大事封建二表於延爲宜而不得他郡槩之者也流賊自延起故詳其事而編之雜錄至於官師學校選舉賦稅祠祀以暨倉儲屯驛里甲闕梁不別立門而分隸之六略此皆舊志所無而義例嚴體要其實有度越乎舊志者斯良史之裁也亦可謂之詳而法矣予向分守延榆

於郡之山川土田賦役風俗粗諳崖畧每念延爲唐宋邊郡數被兵而勝國末造蹂躪尤酷今幸際

聖明中外一家郡爲內地百數十年燧銷燧灌無鷄鳴犬吠之警豈惟延民之慶抑亦吏斯土者之幸然而延民瘠苦易動難安惻怛其民而率厲所屬政平訟理使延民有樂生之心而養其惇固之氣是則良二千石之責也覽斯志者攷其豐耗盛衰之由勤勤於擇才任吏施政宜民以無負聖天子憂閔元元之至意則郡志之修實與政相損益而非徒侈紀載之末是則予與賢守令所當共勉者夫

嘉慶七年歲在壬戌九月二十有八日

誥授通奉大夫陝西西安等處承宣布政使司布政使溫承惠

撰

臣子宗

又

及  
去  
三  
月  
二  
日  
分

三

重修延安府志叙

昌黎韓子有言士不通經果不足用夫釋經則必綜史讀史則當博採志乘各省通志其失也複縣志限於方隅其失也狹惟郡志於博採尤宜然則志之爲書體例與史同而義取諸經周官外史掌四方之志小史掌邦國之志志之權輿於春秋夫人而知之矣愚謂王言章疏山川疆域邱陵墳衍原隰析焉辨焉謨誥貢範之流別也期會工程賦稅獄訟掌故典文章於圖記官禮之流別也風俗物產詩賦歌謠採入藝文風詩之流別也志書不明則史法不立經學遂荒授之以政而不達又曷怪焉延安古邊郡自

秦末以來數被兵革至元昊跳梁於宋西虜犯邊於明而生民之愁苦極矣

國家覆禱六合中外一家

威德所被汪濊靡鴻十邑蒸黎千里區域百數十年樂業安居  
伊古以來未有也然而氣候苦寒境內陂陁砂磧十居八  
九土脈枯瘠歲運多歉青草鮮毓其生苦其俗惰其棲止  
穴處而窞居其風氣質悍而寡恩愛蓋疏泉引渠樹桑教  
蠶之法皆限于地磽有所不行焉豈古循吏如文翁召信  
臣諸賢所以盡地利厚民俗敷雅化者用之延安而其術  
有時難施耶抑必遭逢

聖世旌淑獎廉度越千古然後其人有待而興也然則有司牧之責者將欲物土之宜而布其利觀風因俗而善其教不通郡志而侈口談經亦已慎矣志書之亟重修也固宜太守洪君以名父子典郡十餘年課績孚惠考校公嚴儒縫胥悅吏民以和慨府志之未修百二十載毅然以身任之蒐討編摩三易寒暑會方伯溫公勵精圖政百廢具興心善太守之有斯舉也致書敦迫七越月而書成予得受而觀焉其書體裁義例原本大興章氏之說頗合史法而詳而不穢簡而有條太守之用心甚勤而斯志亦爲善本矣後之君子覽斯志也遠徵文獻而周知夫山澤上田民物

登耗政治得失之故以上窺劉子政班孟堅之所纂述書  
詩官禮之教春秋之義皆可進而求其端矣何憂不學而  
墻蹈韓子之所譏乎此方伯察吏阜民之心而太守守先  
待後之志也予雖不敏敢不與太守交相勗勉也歟因序  
而歸之是役也孜孜纂校終始勿懈者太守之嗣孫勲也  
例得附書

嘉慶七年歲次壬戌十月朔日

賜進士出身

誥授中憲大夫分巡陝西延榆綏兵備道楊護撰

重修延安府志叙

古之牧邊郡者非易易也漢書稱馮立賈宗非以政事修舉而吏民愛戴乎自是而求之于唐則田牟之寬厚折從阮之勇決求之于宋則向敏中龐籍韓琦范仲淹之方略李師中孔平仲之治行至元明而又不可槩舉此數十君子者類皆劊利除弊興屯田斥邊埃修城隍築堡砦究鹽法講馬政于邊方之務庶無不舉矣而典章制度及輿地沿革之書猶有未暇者豈非以事權其所重不得不置此而務彼乎迨至我

國家聲教覃敷邊隅向化舉凡漢唐以來民之疲于兵革習